

明史稿
衡云山人集



南疆繹史勘本卷二十四目錄

雪川溫氏原本

古高陽氏勘定

列傳十八卷

寇難黃克善 吳錫玉

左兵彭永春 徐可行 董四明 成啟

孫大華 張亮坤

孫兵張六耀 曾益 弟棧

吳子騏

劉培揚元瀛譚先哲石聲和顧人龍等

王運開 弟運閣

劉廷標

焦潤生 楊于陸

陳六奇

徐道興

張朝綱 子耀

魯異撰

席上珍 金世鼎

何思

冷陽春

夏祖訓 段伯玉余繼善耿希哲

兵難 那嵩

龍吉兆

龍吉佐

右寇難諸臣列傳弟十八◎溫氏於此卷淆而

不分紊而無次使讀者曹然未知所因今類次

而標分之嗟乎有明末造民弗堪命矣始之以

闖獻之嗜殺諸鎮之肆虐益之以金王之翻覆

孫孽之構亂迫夫

天兵埽蕩嬰鋒鏑蹈水火凡在山顛海角者又
靡不授首而歸於一運焉 此卷同以守土而
死者也然與列傳十之南都守職揚州從難者
則有異溫氏胥謂之守土未可也區之別之而
以寇難名孫固寇左則內犯亦寇也若吳三桂
時雖歸命而縱其所部肆淫劫斂致民怨沸騰
則較諸寇且甚焉者也

南疆釋史勘本卷二十四

列傳十八卷

甲申秋以禦賊灰難者東湖守備黃克善合肥人福建流賊閩羅宋三家劫龜茲官兵合勦克善斬獲獨多馬蹶被執將灰將其鬚曰母令血染我鬚也賊壯之南康通判吳錫玉字輯五歙人柯賊掠南康錫玉手提鐵鞭率壯丁數百人往勦賊已去城二十里追及之賊隔水據岡爲陣錫玉發一矢中賊渠賊拔嗅之曰未傅毒下岡返攻于是錫玉躍馬獨出鞭殺數

賊賊衆圍之遂遇害其次无烈贈按察使僉事

左兵之亂次者惟下執事四人可以風諸大吏矣彭

永春武陵人官九江衛經歷四月四日左兵突入城

永春曰我官雖卑然食朝廷祿遇難不可以不歿命

僕舉火焚其解大書于壁曰九江衛經歷彭永春歿

節處具衣冠率子女六人赴火歿徐可行字三山九

江衛指揮僉事城陷聞都司董四明於城樓自刎其

妻史妾姚偕二子俱投水歿可行大呼曰我武臣亦

有人哉入告其母汪氏母曰我家何不若彼也卽投

於井妻鄒子婦陳繼之可行于屏間大書曰世受國
恩閤門殉節投筆北向拜自縊于望京門之城樓成
啟字伯佑應天人以貢生官湖口縣主簿城被圍具
公服端坐于庭亂兵掩至啟叱曰國家養汝將以靖
亂何反爲亂耶兵索其金啟復叱曰吾寒官也何金
可索遂被殺更有德化民孫大華者左兵肆掠民不
勝憤挾刀入市殺一兵次日衆露辨而譟總督袁繼
咸不得已命究殺兵者市人大譁民慨然曰殺身以
安衆我何惜一死乃挺身出曰殺兵者我也與衆何

南陽續史
興遂斬以徇一城得解嗚呼與顏佩韋五人何異世
固不乏義士哉

勘本曰左夢庚北降時死難者有四川張亮崇禎
舉人歷官榆林兵備參議有能聲薦改安廬兵備
監軍討賊有功擢右僉都御史巡撫其地南都立
亮奏賊勢可圖請解職視賊所向督兵進討從之
尋召還時馬士英意不在賊復令回任明年四月
夢庚陷安慶被執挾與俱北乘間赴水死

○孫可望獻賊之餘孽也獻既伏誅于蜀可望潰

吳掠而西往來黔滇所至崩摧無敢相抗乃有忠憤
激烈徒手而與之持者雖不量力其義有足尙也
增錄如右◎原本綜錯無次以吳子騏席上珍二
平則列入末卷譌也案自張耀下八人爲孫賊初入
貴州之難自王運開下七人爲入雲南援沙定洲
之難自魯異揆下九人爲重還黔中之難也

張耀字融我三原人萬厯中舉于鄉除聞喜知縣累
官貴州布政使爲人淳樸所至以和厚得民丙戌獻
賊伏誅其黨孫可望等呼集殘卒奪重慶由遵義將

入黔耀言於巡撫請發民兵守禦巡撫以衆寡不敵
難之俄賊掩至耀率家童守拒城陷猶手辦數賊可
望以禮請曰公秦人也若降當位宰輔耀怒罵不屈
械其妻孥三十人於前曰降則一家免死耀罵愈毒
賊恨甚乃斷其舌而吏解之于是二十餘人皆慘死
平安兵備僉事曾益臨川人以貢生特用歷官兵部
司務遷主事貴陽被圍益拒守數月城破一門死難
第棧爲蒲圻令亦死於賊

吳子騏字九達貴陽舉人授興寧知縣安邦彥之叛

也。圍貴陽。子騏念母在倉卒棄官歸。遂不復仕。總督朱燾元知其才。崇禎十年。蠻賊阿烏謎作亂。劫官據城。將內向燾元屬子騏走書召諸酋曉諭利害。果相率降附。乃上其功。璽書嘉獎。及聞可望擁衆至。子騏謂邑紳劉琯楊元瀛等曰。吾儕明之老臣也。坐視賊難屠戮。鄉邦何以見先帝。因共起兵扼于要路。敗之後。賊益衆。力竭被執。俱不屈。少琯字子佩。官主事。元瀛字逢山。官同知。並鄉薦起家。譚先哲平壩衛人。子騏同年生。官戶部郎中。石聲和邑人。官兵部參政。皆

閭門殉難有顧人龍者定番州人嘗出仕既老家居冠帶登陴率士民拒守殺賊甚衆被執罵賊死

勛本曰爾時雲南苦沙亂可望將入黔副將龍在田遣使告急勸其進援之可望因詐稱黔國焦夫人弟來復讐也滇人延頸望之而不知其爲賊

王運開字子朗夾江舉人授永昌推官署金騰道劉廷標字震起上杭人通判永昌攝府篆丁亥春土司沙定洲之亂黔國公沐天波走永昌可望入黔窺滇遂破定洲揚言爲黔國復仇屠霑益曲靖下楚雄臨

安大理移檄永昌迎天波歸並索道府印天波信之
將遣子送款時運開廷標方守瀾澹拒戰天波止之
諭其以印往兩人曰印往則我亦降也且賊言何可
信哉不聽兩人乃遣家屬避騰越運開有弟運閔字
子遠在署謂之曰弟未仕可無歿可將吾妾俱西勿
在此亂人意士民懼不降且屠詣運開廳事哭運開
慰遣之又詣廷標廷標曰賊伎倆吾數知之他城之
降而屠者亦屢矣無益也衆哭益甚廷標取毒酒將
飲衆始散兩人相謂曰衆心如此何以守是夜運開

縊廷標歎曰男子哉吾年老當先王公歿公乃先我
耶遂沐浴賦詩三章亦自縊運閔至永昌治喪門下
有過而哭者運閔曰我輩舍生取義何哭爲殮畢厝
之復走騰越可望聞兩人歿節求其後或以其弟對
立召之運閔至潞江語僕曰此行將臣賊吾與兄豈
異趨耶吾歿將吾骨與兄合葬題曰夾江王氏兄弟
之墓遂躍入江數日獲其屍色如生

勣本曰沙定洲爲阿迷土司普明聲部將乙酉秋
元謀土司吾必奎反黔鎮沐國公夫波檄調諸蠻

兵會勦土官甯州知州祿永命石屏副將龍在田
等擊吾巴成禽沙兵後至逗遛城外有奸人言天
波之富沙心動遂焚劫其府天波從水竄逸出至
楚雄家口俱被難沙賊蟠踞省城劫巡撫吳兆元
執故輔王錫衮傳檄各郡縣時楚雄被吾亂繕守
具金滄副使楊公畏知與天波謀令走永昌明年
丙戌賊力攻楚雄而楊公守甚堅久之賊環城掘
濠作長圍計又明年丁亥可望以殘兵出遵義龍
在田故告變乞援以暴易暴且於沙有甚焉者矣

南疆續史
焦潤生字茂慈上元人修撰竑之子也歷官南京戶部郎中出知曲靖府城破被執不屈歿武定同知楊于陸劍州舉人亦歿之

陳六奇字鳴鸞龍江衛人萬厯戊午舉人初知景陵縣以廉平稱民多愛之嘗語人曰吾因公夜歸民必束炬照輿從其無男子者婦女于門內應焉吾又何功於民而堪此見之慨然忍不加惠乎後移知南寧縣城破被殺於東門

徐道興睢州人官雲南經歷署師宗州事廉潔愛民

民以殷實曲靖被屠道與集士民諭之曰城守乎士
民曰力薄兵寡何以拒曰然若等何罪徒膏兵刃可
速去毋顧我我死分也士民請與偕厲聲曰失守封
疆我安所逃死言既鬚眉奮張衆乃灑淚去舍中止
一僕出白金二授之曰此非俸金也一以賜汝一以
治棺殮我僕哭請從死曰爾死誰收我骨舉酒自飲
賊入大罵賊令迎其將乃擲手中酒缶擊之曰我朝
廷命吏肯從賊求活耶怒罵不絕遂被殺

張朝綱廣通人由貢生授渾源州同知解職歸賊至